



Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

**Edin Forto**  
Zastupnik u Skupštini Kantona Sarajevo

Broj:  
Sarajevo, 19.10.2016.



**Dostaviti:**  
Bosna i Hercegovina  
Federacija Bosne i Hercegovine  
Kanton Sarajevo  
**Skupština Kantona Sarajevo**  
n/r sekretar Skupštine Kantona Sarajevo

**Ministarstvo zdravstva Kantona Sarajevo**  
n/r ministrica Zilha Ademaj

**Ministarstvo obrazovanja, nauke i mladih Kantona Sarajevo**  
n/r ministar Elvir Kazazović

## **PREDMET: EDIN FORTO - ZASTUPNIČKA INICIJATIVA**

Poštovani,

na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), a na osnovu inicijative građana i građanki Kantona Sarajevo i prijedloga struke, upućujem prijedlog prema Ministarstvu obrazovanja, nauke i mladih Kantona Sarajevo i Ministarstvu zdravstva Kantona Sarajevo, te tražim njihov odgovor na prijedlog u zakonski predviđenom roku:

- 1. Pokrećem inicijativu za pokretanje obrazovnog programa za ortoprotetičke tehničare (izrađivače ortopedskih pomagala) u okviru sistema dodatnog osposobljavanja lica sa završenom srednjom stručnom spremom.**

Inicijativa se vezuje za realizaciju konkretnih koraka koje Naša stranka predlaže u Kantonu Sarajevo sa ciljem osiguranja slobode kretanja bez prepreka za osobe sa invaliditetom.

Važno pitanje koje se tiče ortoprotetičkog sektora je činjenica da postoji ograničena proizvodnja pomagala, kao i manjak profesionalno obučenog osoblja da iste napravi, što vodi do promjenjivog kvaliteta, u ovisnosti od ustanove. Ovo je, prije svega, povezano sa činjenicom da je sama profesija slabo priznata i da ne postoje formalni obrazovni programi. Štaviše, postoji ograničena kontrola kvaliteta proizvođača pomagala. Kao posljedica, čak i ljudima koji imaju novac može biti teško da nabave odgovarajuće ortoprotetičko ili drugo

pomagalo koje odgovara njihovim potrebama. Ovo je značajno pitanje koje se tiče mobilnosti. Ako korisnik ima pomagalo koje mu ne odgovara ili koje nije pravljeno prema njegovim individualnim potrebama, teško će ga koristiti.

Razvijanje stručnih ortoprotetičkih tehničara je preduslov za poboljšanje kvaliteta pomagala i nadogradnju i zahtjeva osiguranje adekvatnih obrazovnih programa za nadogradnju znanja. Pozitivne prakse u ovom pravcu možemo pronaći u Rumuniji i Sloveniji.

Ministrastvo zdravstva Kantona Sarajevo sa Ministrastvom obrazovanja, nauke i mladih Kantona Sarajevo može pristupiti izradi plana i programa, koje bi obuhvatalo pitanje formalnog programa, zatim adekvatnog upisa stručnog zvanja (zvanične liste profesija), te povezala ovaj program sa postojećim školama medicinskog smjera.

Izrađivač/ica ortopedskih pomagala ili ortoprotetički tehničar bi trebao u programu obrazovanja sticati znanja o ortopediji, o osnovnim praktičnim znanjima tehnike izrade različitih ortopedskih pomagala, stručno-teorijska znanja i vještine, osnovna znanja i vještine za pravilnu izradu ortopedskih pomagala, kako pripremljenih tako i onih po mjeri korisnika, stjecanje osnovnih znanja iz zaštite na radu i prve pomoći, te steći sva praktična znanja potrebna za uspješno obavljanje zadataka izrade ortopedskih pomagala.

Pozivam ministarstva kojima je inicijativa upućena da u zakonski određenom roku dostave odgovor o mogućnostima pokretanja ovog programa, te trenutno raspoloživim sredstvima i aktivnostima u okviru kojih se isto može realizirati.

**Edin Forto**

Zastupnik u Skupštini Kantona Sarajevo

Naša stranka

